

Militär Psychologe

Autor(en): **Canzler, Günter**

Objekttyp: **Illustration**

Zeitschrift: **Nebelspalter : das Humor- und Satire-Magazin**

Band (Jahr): **92 (1966)**

Heft 9



PDF erstellt am: **11.09.2024**

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern. Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden. Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.



«Scheperischi» Regierigsreet . . .

Vor eme Vierteljahrhundert ebbe, wo mer alli währed em zwaite Wältgrieg mit Rationierigs-Karte hänn miese lääbe, dert hämmer au in der Schwyz en Art en «Aabauschlacht» gschlaage; woo naimen ungnutzte Boode z finde gsi isch, het me pflanzt - Härdepfel, Gmies und waas me halt esoo bruucht het zem ässe. Sogar uff eme Mätteli im Basler Minschter-Gryzgang!



Und e Basler Regierigsroot het daas - baseldytsch lätz - Wort «uus aigenem Booden» erfunde, woo nadyrlig hätt «uus em aigene Boode» miese, derfen und kenne haïße. Aber s isch bassiert gsi, und d Lyt hänn das Wort uffgriffe. By alle Gläägehaite het me s zytirt. s het in syner lätze Form «wunderbaar» ygschlaage.

Und daas isch nit ganz ohni ungschiggti Folge blibe - bis uff der hittig Daag. D Lyt zahle zwor allewyl noonig «us aigenem Hoose-

sagg», si sitze nie «uff aigener Altaane», si styge nit «uus aigenem Auto» uus.

Aber . . . Jä, aber sie saagen, ohni au numme z zwinggere: «uff heggschter Eebeni», si saagen, ohni derby numme root z wärde: «in letschter Minuute». Derby däates aber alli Lyt graad esoo guet verstoh, wenn ain saiti: «uff der heggschten Eebeni», oder «in der letschte Minuute».

Esoo Sachen ibernimmt me hitte,

ohni daß sich ebber schämmt, uus em Hoochdytsch, und si kemmen allewyle wider zue däm allerschte «Pflänzli»: «uus aigenem Boode» no derzue.

*

Hämmer mit eme Regierigsroot aagfange, dernoo wämmer au mit Regierigsreet wider uffheere. Offizielli Asse gänn die Heere hitte no gärn im «Schlissel» an der Freyje Strooß z Basel. Friehjer hänn si

au sunscht ebbe gärn gschwind dert gässe. Zwai Reet hänn - esoo wird verzelt - emoole dert mitenander z Nacht gässen und furchbaar ghändlet mitenander, wäär jetz derf s Neetli zahle. Der Wirt het si gheert und kunnt an Disch, woo graad der aint sait:

«Und wenn däa Heer zahle darf, dernoote kumm y nie meh doo yne!»

Druff der ander:

«Und wenn äär zahlt, dernoote hänn Si aber mi zem letschtemool doo inne gseh!»

Der Wirt dänggt fescht noochen und sait versehnlig:

«Aaber, myni Heere! Hitte sinn si jetz emoole myni Gescht!»

Und verryßt s Neetli in glaini Fätzli.

Die baide Heere Regierigsreet hänn «Danggerscheen» gsait und sinn furt. Im Gang usse sait der aint zem andere:

«Hesch jetze gseh? Daas «Stiggli» zieht allewyle no!»

Die baide hänn nämmlig zimmlig undedure miese, woo si vor vyl Johr e Wyli an der glyche Hoochschuel mitenanderstudiert hänn, naimen im URland. Eb das Gschichtli ächtscht woher isch? s wär esoo scheen, wens wirgglig däät stimme! Me sait joo ebbe, d Basler däate no gärn e weeni spaare . . .

Fridolin

ausgesprochen männlich

4711 SIR international

SIRfix
Frisiercreme
Eau de Cologne
Rasierschaum